

www.BibleForChildren.org

Matew 8



Fey küla antüalu, mülerkey kiñe mafün ta Kana waria mew, Galilea trokiñ mapu mew. Jesus ñi ñuke mülerkey tüye mew. Fey Jesus ka ñi pu disipulu mangelngelu am engün ti mafün mew, feymew ka mülepuy engün tüfey mew.



Fey ti longkokünungelu mafün mew afürkey ñi pulku, fey Jesus, ñi ñuke feypiew: —Niewelay ta pulku engün. Fey Maria, Jesus tañi ñuke, feypifi tati pu che poyechepelu: —Femaymün kom tañi piel ta Jesus.



Jesus feypifi tati pu poyechepelu:
—Apolfimün ko mew tüfachi pu kura
meñkuwe. Fey fente küme apolfingün.
Fey Jesus feypi: —Fey wiñome
nentutumün pichin ko, fey yelelfimün tati
longkokünungelu mafün mew.
Fey femngechi femingün.



Fey ti longkokünungelu mafün mew wüne pütokofi ti ko pulkuwkületulu, fey ñi kimnon rume chew ñi nentungen. Fey ti pu poyechepelu müten kimnieyngün, kisu engün am nentufilu ti ko kura meñkuwe mew.



Feymew ti longkokünungelu mafün mew mütrümfı ti nofio, fey feypifi: —Kom che ta wüne wülkey tati doy küme pulku, feymew dew aseleweyüm wüla ti pu mangel, wülngekey ti kangelu newe kümenochi pulku. Welu eyı ta ellka nieperkeyı ti doy küme pulku inangechi putuael wüla.



Fey tūfachi dungu femi ta Jesus Kana waria mew,
Galilea trokiñ mapu mew. Tūfa ñi wüne
femelchi afmatufal dungu, tañi
kimngeael ta Jesus ka ñi
nien fütra pepiluwün. Fey
ñi pu disipulu feyentuy
engün kisu mew.



Jesus amuy Pedro ñi ruka
mew, feymew pepufi Pedro tañi
llalla ngütantuluwkülelu, aling
kutrankülelu am.



Jesus nüñmapufi tañi kuwü ti kuse, fey ti kuse mongetuy. Feymew Pedro tañi llalla witraturuy, fey eluwi ñi poyeafiel ta Jesus.




Fey dew konlu ta antü, feymew Jesus yeleIngey
fentren tati pu kutrankülelu ka ti pu
konweküfülelu, ka
fentren che mülelu ti
waria mew
trawüluwpuy engün
tati wüIngiñ ruka mew.



Jesus tremolfi rume fentren che epe fill kutran nielu, ka wemümentufi fentren weküfü, welu elulafi tañi dunguael tati pu weküfü, kisu engün am kimnieetew.



Fey kom ti pu che ayürkey tañi idakünüafiel ta Jesus,
kisu am nielu pepiluwün femngechi tañi tremolafiel
tati pu kutran.



Feymew meli wentru yeleyew ta
kiñe kutran lañmalelu ñi kuerpu.



Welu fentren che am mülelu, pepi
konpulay engün chew ñi mülemum ta
Jesus. Feymew wecharpufi
engün tati küpül ruka, fey
nagümpufi engün ti
ngütantuluwkülechi
kutran chew müley
ta Jesus.



Feymew Jesus, pefilu
tañi nien fentren
mupiltun engün, feypifi
tati kutrankülelu:

—Iñche ñi weni, dew
wiñoduamangetuymi
tami yafkan mew.

—Eymi ta feypipeeyu:
witratunge ka nünge
tami ngütantu. Fey
amutunge tami ruka
mew.




Jesus konpuy kiñe farku mew, fey ñi pu disipulu kompañeyew. Feymew ti lafken mew triparumey kiñe fütra kürüf, fey rume newentu ingafpüramekey ti rew tati farku mew, welu Jesus umawturkey.



Fey kisu llowdunguy: —¿Chumngelu anta fente llükaymün? ¡Müna pichin mupiltun nieymün ta eymün! Feymew feypikünulu, witrapuray, fey werküfi tati kürüf ka ti rew lafken ñi tünagnael. Feymew ti kürüf ka ti rew lafken tünkülewetuy.

Fey kisu engün, aformatulen welukonkechi ramtuwi engün: “¿Iney ürke am tufachi wentru, kürüf ka ti rew lafken kütu ta müngeltueyew?”



Fey tūfa ta feyngey Ngünechen am rume
piwkeyefilu ta kom mapu mew mülechi
pu che, feymew wüli ñi kiñen Fotüm
femngechi kom tati feyentulu kisu
mew chumkawnorume ñi lanoael,
welu may ñi nieael ta rumel
mongen.



Romanu 3:23

Itrokom che ta yafkay ka fütra kamapuley reke engün tati Montulchefe Ngünechen mew.

Romanu 6:23

Tati yafkan ñi wülkeel re lan dungu müten, welu Ngünechen wülkey tati rumel mongen, Cristo Jesus mew, iñchiñ taiñ Ñidol.

Ebrew 9:27

Ka femngechi itrokom che feley tañi layael kiñe rupa müten, fey wüla ka müleay ramtukadungungen.



Efesio 2:8,9

Fey Ngünechen ñi küme piwkengen mew, eymün elungeymün tamün montuael tamün feyentulen mew. Fey tüfachi dungu eymün kisutu tamün femkünunoel, welu may ta elueymünmew ta Ngünechen. Ka eymün tamün kisu femelchi dungu no, fey iney rume ngelay tañi mallmawael chem mew no rume.

Romanu 10:9,10

Fey kisu tami wün mew feypilmi “Jesus tañi Ñidolngen” itrokom dungu mew, ka tami piwke mew feyentulmi Ngünechen tañi wiñomongeltuetew, nieaymi ta montuluwün. Piwke mew feyentukey ta che ñi niewetunoael ta yafkan, fey wün mew nütramyengekey ta Jesucristo tañi nieael montuluwün ta che.



Juan 3:16,17

“Fey tüfa ta feyngey Ngünechen am rume piwkeyefilu ta kom mapu mew mülechi pu che, feymew wüli ñi kiñen Fotüm femngechi kom tati feyentulu kisu mew chumkawnorume ñi lanoael, welu may ñi nieael ta rumel mongen. Fey Ngünechen am werkünolu ñi Fotüm ta mapu mew, tañi kondenayafiel ta che, welu may tañi montulafiel kom che.

1 Juan 5:11-13

Fey tüfa tati nütramyen dungu: Ngünechen elueiñmew rumel mongen, ka tüfachi mongen müley kisu tañi Fotüm mew. Tati niefilu Ngünechen tañi Fotüm ka femngechi niey tüfachi mongen, welu tati nienofilu ta Ngünechen tañi Fotüm, nielay ta rumel mongen. Wirileluwiyiñ ta tüfachi dungu eymün tati pu feyentulelu Ngünechen ñi Fotüm mew, femngechi tamün kimael tamün nien rumel mongen ka femngechi tamün feyentuael Ngünechen ñi Fotüm ñi üy mew.



Matew 8-9; Marku 1-2, 4; Luka 4, 8; Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Mapudungun NT (arn) © 2011, Wycliffe Bible
Translators, Inc. All rights reserved.

<https://www.bible.com/bible/355/MAT.1>

©2026 Bible for Children, Inc.

www.M1914.org

www.bibleforchildren.org

